



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

Gregorius XI.

[urn:nbn:de:hbz:466:1-74452](https://nbn-resolving.org/urn:nbn:de:hbz:466:1-74452)

ANNO
1367.

cilio rescripturus, ac tu, & Suffraganei tui favorem Apostolicum, in his, in quibus illum reputabis utilem, fiducialiter postuletis.

Datum Avenioni VII. Calendas Decembris, Pontificatus nostri anno tertio.

IV.
Ex Dia-
rio Ital.
Montfau-
con pag.
331.

Quod Casinenses Psalterio Gallicano utantur :
anno - - - -

URBANUS EPISCOPUS,

*Servus Servorum Dei, dilectis Filiis Ab-
bati & Conventui Monasterii Casinen-
sis, Ordinis S. Benedicti, nullius Dio-
cesis, Romanae Ecclesiae subiecti, nec
non universis Conventibus, & Mona-
chis Membrorum ejusdem, Salutem &
Apostolicam benedictionem.*

Cum usus Psalterii Gallici tam in Romanâ Curia, quam in majori parte Ecclesiarum, & Monasteriorum habeatur frequentior quam Romani, cujus usus servatur in vestro Monasterio Casinensi; Nos nolentes, quod in hoc à dictis Curia, & aliis pluribus Ecclesiis discreperis, discretioni vestrae in virtute sanctae obedientiae, & per Apostolica Scripta mandamus, quatenus de cetero utamini Psalterio Gallico praelibato. Tuque, Fili Abbas, contraditores per regularem disciplinam, & etiam Censuram Ecclesiasticam, si opportunum fuerit, postpositâ appellatione, compectas.

Datum Romae apud S. Petrum IV. Nonas Martii, Pontificatus nostri anno VIII.

Nic. G. de Mandato Domini nostri Papae.

Bartholomaeus

Locus ✕ Sigilli plumbei pendens.

ANNO
1370.

GREGORIUS UNDECIMUS,

PONTIFEX CCIII.

ANNO DOMINI MCCCLXX.

Gregorius, prius Petrus Rogerius, anno 1370. Urbanum V. excepit. Pacem inter Christianos conciliare annisus est. Motus turbis Florentinis, quorum ope Romani nixi, Legatos Apostolicae Sedis pepulerunt,

Sedem Avenione Romam post 72. annos transtulit; Mox obiit anno 1378.

(Magni Bullarii Romani hujus Edit. Tom. I. Luxemb. 1727. fol. 262. App.)

Deputat duos Cardinales pro sedandâ discordiâ inter Reges Angliæ & Franciæ obortâ :
anno 1371.

GREGORIUS EPISCOPUS,

Servus Servorum Dei carissimo in Christo Filio Eduardo, Regi Angliæ illustri, Salutem & Apostolicam benedictionem.

Ad procurandum Statum pacificum & tranquillum inter Te, & carissimum in Christo Filium nostrum Carolum, Regem Francorum illustrem, dum minori fungebamur officio, mentem semper habuimus vigilem. Et dum, Divinâ disponente Clementiâ, ad apicem Summi Apostolatus fuimus assumpti, tanto ad id eò ferventiùs & instantiùs noster fuit excitatus affectus, quò vestra toti Populo Christiano periculosior erat & adhuc est discordia.

Eapropter duos è dictis Filiis nostris Sanctae Romanae Ecclesiae Cardinalibus, videlicet, Simonem Tituli Sancti Sixti, & Joannem Tituli Sanctorum quatuor Coronatorum Presbyteros Cardinales, Apostolicae Sedis Nuncios, tanquam pacis Angelos ad utramque Partem pro hujusmodi sedanda discordia Te super hoc gratiosè exhortando, duximus destinandos. Verum nuper latenter audivimus, quod Tu, tanquam Princeps Christianissimus, ea, quae idem Simon Cardinalis Serenitati tuae super praemissis exposuit, benignè audivisti, super quo Sinceritatem tuam multarum prosequimur actionibus gratiarum. Et, cum summe nobis cordi sit, ut inter Te & dictum Regem Francorum, summotis hujusmodi discordiis, perpetua Pax reformetur, per quam desolationi Catholici occurratur Populi, Christianae Gentis Excidia tollantur, & obvietur periculis animarum, Excellentiam tuam rogamus & exhortamur, in Filio Dei Patris & per ipsius misericordiam obsecramus, quatenus eisdem Cardinalibus, & eorum cuilibet, in his, quae super hoc Tibi ex parte nostra retulerint, credens indubiè, & solerter attendens, quam sit onusta periculis, quantaque discrimina secum trahat hujusmodi damnosa dissensio, quantaque ex hoc bonis Christi Fidelibus contristationis, & Infidelibus exultationis & gaudii materia praeparatur, tuum in mansuetudine animum praeparans, pro Divina & Apostolicae Sedis ac nostra reverentia, ad Pacem reformandam, per quam Regna crescant, & Populi sub tranquillitate proficiunt, cum praefato Rege Francorum Te convertas; ac Nuncios industriosos & solennes, & plene instructos, Deum & Bonum pacis zelantes, ac plenum ad hoc mandatum

habentes,

ANNO
1371.I.
Ex Arch.
Angliae
Rym er
Tom. 6.
pag. 702.

ANNO
1375.

habentes, ad aliquem locum idoneum, communiter eligendum, ubi tui & memorati Regis Francorum Nuncii possint commodè convenire, sine cujuslibet moræ dispendio, destinare procurare, Tractatum pacis hujusmodi ad finem laudabilem, auxiliante Domino, perducturos; In hoc preces nostras taliter impleturus, quod ipse Rex Regum, qui extollit pacificos, & deprimit inquietos, tuæ Celsitudinis exaltet Solium, prosperitatem adaugeat, ac Regnum tuum in tranquillitate custodiat, Tibique salutis æternæ præmia largiatur, Nosque, qui Te sincerè diligimus, eandem Celsitudinem tuam dignis in Domino laudibus attollamus, ac universis Christi Fidelibus publicæ lætitiæ consolationem exultantibus animis præbere in Domino valeamus, Præfato siquidem Regi Francorum dirigimus similiter scripta nostra, ut idem non differat adimplere; quem nobis in hoc obtemperaturum verisimiliter opinamur.

Datum Avinion. Id. Novembris, Pontificatus nostri anno primo.

II.
Rymer
Tom. ---

Bulla de Compositione inter Regem & Papam per Nuncios ex utraque parte concordata: anno 1375.

GREGORIUS EPISCOPUS,

Servus Servorum Dei, ad perpetuam rei memoriam.

EXimia devotionis sinceritas, quam carissimus in Christo Filius noster Eduardus, Rex Angliæ illustris, ad Nos & Romanam Ecclesiam gerere comprobatur, sablimis quoque ejus Status eminentia, nec non etiam specialis benevolentia plenitudo, quam ad dilectos Filios, Clerum Angliæ, infra nostra recumbentes præcordia, gerimus, nos inducunt, ut ipsos, Regem atque Clerum, & illos præsertim ex hujusmodi Clero, qui eidem Regi specialis Studio devotionis & fidelitatis adherent, favoribus & gratis, illis maximè, quæ conscientia pacem & animarum salutem respiciunt, muniamus. Cùm itaque, sicut accepimus, in Regno Angliæ sint quamplures Clerici, qui ex præsentatione seu collatione dicti Regis, prout ad se pertinere dicebat, Dignitates, Personatus, Officia, Canonicatus, & Præbendas, & alia Beneficia Ecclesiastica, cum cura & sine cura, infra Regnum dictum pacificè possident de præfenti, Nos ne dicti Clerici, super hujusmodi Dignitatibus, Personatibus, Officiis, Canonicatibus, & Præbendis, ac Beneficiis ipsis, possint imposterum molestari, providere volentes; Prædicta omnia, Dignitates, Personatus, Officia, Canonicatus & Præbendas, & alia Beneficia, præmissis Clericis, sic ea, ut præfertur, obtinentibus, dum tamen tempore, quo illa fuerint affecti, idonei & habiles essent ad ea obtinenda, etiam si sint dispositioni Apostolicæ quomodolibet reservata, & etiam si inter aliquos ex hujusmodi pacificè possidentibus, & eorum Adversarios jam defunctos, fuerit aliàs in Palatio Apostolico litigatum, Auctoritate Apostolicâ confirmamus,

eos si propter illicitam detentionem eorumdem inhabilitatem incurrerant, habitando. Et eos dictorum Dignitatum, Personatum, Officiorum, Canonicatum, & Præbendarum, & aliorum Beneficiorum possessione pacifica, quam nunc obtinent, gaudere volumus & etiam ordinamus, Intendentes eorum singulis, si à Nobis petierint, super illis speciales confirmationes seu provisiones novas concedere, prout eis utilius fuerit, & magis videbitur expedire, non obstantibus quibuscunque Constitutionibus Apostolicis, nec non Statutis & Consuetudinibus Ecclesiarum & Locorum, in quibus hujusmodi Beneficia, seu aliqua ex eis consistunt, contrariis, Juramento, Confirmatione Apostolica, vel quacunque alia firmitate vallatis, etiam si de illis, & totis eorum tenoribus, esset præsentibus specialis, & expressa mentio facienda. Nulli ergo omnino homini liceat hanc paginam nostræ Confirmationis, Habilitationis, Voluntatis, & Ordinationis infringere, vel ei ausu temerario contraire. Si quis autem hoc attemptare præsumpserit, indignationem omnipotentis Dei & beatorum Petri & Pauli Apostolorum ejus se noverit incursum.

Data apud Villam Novam, Avinionensis Diocesis, Calendas Septembris, Pontificatus nostri anno quinto.

Contra Florentinos: anno 1376.

GREGORIUS EPISCOPUS,

Servus Servorum Dei, dilecto Filio &c. Salutem & Apostolicam Benedictionem.

EXcessus gravissimos, quos iniquitatis Alumnus, Cives & Populus Civitatis Florentinae, tanquam in reprobum sensum dati, à septem mensibus citra, contra Deum, & Romanam, & nonnullas alias Ecclesias, & libertatem Ecclesiasticam commiserunt, prout non desisterunt committere diebus præteritis, pro certa parte, cùm eos omnes nimis longum ac tædiosum foret scribere & audire, Nobilitati tuæ, ut de illis præfata compateretur Ecclesiae, ac præstaret auxilium & favorem, per alias nostras litteras duximus referendos. Postmodum autem, cum ipsos excessus nequiremus, absque debiti appositione Remedii præterire, certos graves processus exigente justitia contra eosdem Cives & Populum, eis que quomodolibet dantes auxilium, consilium, vel favorem, fecimus, licet, eorum promerente malicia, dignè potuissimus facere graviores, quos in Romana Curia, communi omnium Patria, & in diversis Regnis & Terris fidelium publicari mandavimus, prout assidue publicantur. Cumque Processus ipsos ad Regnum Angliæ, in quo quamplures ex eisdem Civibus immorari dicuntur, pro hujusmodi publicatione ibidem faciendâ mittamus ad præfens, eandem Nobilitatem rogamus obnixè, quantum ob reverentiam Dei, & dictæ Ecclesiae, & nostram, in publicatione & executione dictorum processuum, tuum favorem velis efficaciter impertire.

Datum Avini. n. decimo quinto Calendas Junii, Pontificatus nostri anno sexto.

ANNO
1376.III.
Ex Arch.
Angliæ
Rymer
Tom. 7.
pag. 102.

De

ANNO
1376.

IV.

Ex Hist.
Univerſit.
Parieſiſ.
Bulæi
Tom. 4.
p. 444.

De Inquisitione Fidei in Francia : an. - - -

GREGORIUS EPISCOPUS,

Servus Servorum Dei, chariſſimo in Chriſto Filio Carolo, Regi Francia illuſtri, Salutem & Apoſtolicam Benedictionem.

Zelus Catholicæ Fidei, præſertim in tuis honoris & meriti laudibus Nos inducit, ut pro defenſione dictæ Fidei, præſertim in tuis partibus, devotionem Excellentie Regiæ fiducialiter requiramus.

Quippe ex dilecti Filii Inquiſitoris Hæreticæ pravitatis Partium Delſinatus Vienneniſis expoſitione didicimus, quod in dictis partibus Hæreticorum multitudo copioſa conſiſtit, quos nonnulli Nobiles partium earundem poſtpono Dei timore faventes non permittunt eundem Inquiſitorem procedere contra illos, & quod dilectus Filius nobilis Vir Gubernator Delſinatus ejuſdem contra tales de favore ſui Officii requiſitus, illum impendere negligenter omittit, propter quæ multiplicantur execrabiles hærefes & Hæreticorum inſcientium illas & vicinas Patrias numerus, proh dolor! continuè adaugetur. Unde ſi ſuper iis cum tuæ devotæ Celſitudinis auxilio, ſine quo non poteſt juſtitia miniſtrari, celer & efficaciſſimum non opponatur, in omnibus dictis partibus & etiam Regno vepres & ſpinæ hæreticalium errorum poſſent citò ſuccreſcere, non de facili evellendæ, in periculum animarum graviſſimum & obnubilationem Claritatis Catholicæ, ſinceritatis Fidei Orthodoxæ, quam tui Chriſtianiſſimi & inſiti Progenitores non ſolum defenderunt viriliter, ſed magnificè extulerunt. Eapropter Regiam Majeſtatem requirimus inſtantiusque rogamus, quatenus ſuper præmiſſis tam devotè quam ferventer & efficaciſſime atque celeriter non ſolum litteraliſſimis mandatis, ſed Nunciis & Executoribus ſerventibus, audacibus & devotis ad dictas partes per Te mittendis, prout tanta materia exigit, providere ſeſtines, quod exinde tua multiplicentur merita apud Deum, & præconium in hoc Dei negotio, quod cuncta præcellit, glorioſius extollatur, & Nos contra Nobiles & alios tuos Subditos defendentes & ſoventes eodem Hæreticos exigente juſtitia, quam nullo modo poſſemus omittere, procedere non cogamur. Cæterum ut contra huiusmodi Hæreticos & fautores eorum efficaciſſime procedatur, Venerabilem Fratrem noſtrum Antonium, Episcopum Maſſanenſem, Apoſtolicæ Sedis Nuntium, harum Latorem, ad dictas partes dirigimus, cum tu velis tuam aſſiſtenciam adhibere in conſilio ac auxilio & favore, ac indubiè credere ea, quæ de præſatis ex parte noſtra Tibi duxerit referenda.

Datum Avenioni Nonas Maji, Pontificatus noſtri anno quinto.

ANNO
1376.

V.

Ex Sara-
cini Noti-
cie Iſori-
che d'An-
cona pag.

Anconitanos excitat contra Auſculanos & Firmanos Romanæ Eccleſiæ : anno 1376.

GREGORIUS EPISCOPUS,

Servus Servorum Dei, dilectis Filiis Populo & communi noſtra Civitatis Anconitane Salutem.

Non ſine dolore referimus, quòd licet iniquitatis Filii, Populi & Communis Civitatum noſtrarum Firmanæ & Auſculanæ, ac Univerſitatis quarundam aliarum Terrarum, licet de jure ſint & eſſe debeant Nobis & Eccleſiæ Romanæ ſubjectæ, tamen ipſi Spiritu elationis permoti contra Nos & dictam Eccleſiam inconfuſis motibus rebellant, qui per Nos diu requiſiti benignè, ut ad gremium Eccleſiæ præſatæ redirent, requiſitionem paternam, obſtinatè contumacià contempſerunt; Quare Fidelitati veſtræ, quæ amicos dictæ Eccleſiæ pro amicis, & inimicos pro inimicis habere debeant, præſentium tenore mandamus, quatenus dictos rebelles, ſicut eorum merita exigant terreſtribus, & maritimis inſultibus proſequi ſtudeatis, ut qui dulcibus monitis quiſcere non curant, ſaltem verborum ſtimulis reſpiciant.

Datum Romæ apud Sanctum Petrum 14. Calendas Februarii anno ſeptimo.

Admonitus Gregorius quid rerum in Anglia moliretur Wigleſſus, quæve pernicioſa dogmata ſpargeret, hæc Bullâ præcipit capi, & tradi in manus Archiepiſcopi Cantuarienſis, aut Episcopii Londinenſis : anno - - -

GREGORIUS EPISCOPUS,

Servus Servorum Dei, dilectis Filiis Cancellario & Univerſitati Studii Oxoniensis, Lincolnienſis Diœceſis, Salutem & Apoſtolicam Benedictionem.

Mirari cogimur & dolere, quòd vos qui propter gratias & privilegia veſtra Studio Oxoniensi ab Apoſtolicæ Sede conceſſa, & propter ſcientiam Scripturarum, in quarum pelago ſelici remigio, dante Domino, navigatis, tanquam pugiles & propugnatores Orthodoxæ Fidei, ſine qua ſalus animarum non provenit, eſſe deberetis, ſolum inter purum triticum Campi glorioſi Studii veſtri

prædicti

VI.

Ex Hist.
Univerſ.
Parieſiſ.
Bulæi
Tom. 4.
p. 450.

ANNO
1378.

prædicti per quamdam desidiâ & ignaviâ permittitis pullulare, & quod perniciosius est etiam adolere, nec circa extirpationem hujusmodi, sicut nuper apud nos insonuit, curam aliquam adhibetis non sine clari nominis obfuscatione & animarum vestrarum periculo & contemptu Ecclesiæ Romanæ & memoratæ fidei detrimento. Et quod nos torquet acerbius, prius de incremento solii prædicti sentitur in Roma quàm in Anglia, ubi tamen extirpationis remedium apponeretur. Multorum siquidem fide dignorum insinuatione admodum dolentium nostris est auribus intimatum, Joannem Vicleff Rectorem Ecclesiæ de Luttrevorth Lincolnien. Diocesis sacre pagine Professore, utinam non magistrum errorum, in illam ac detestabilem erupisse vecordiam, nonnullas propositiones & conclusiones erroneas & falsas, ac pravitate hæreseos sapientes, quæ statum totius Ecclesiæ & etiam secularem politiam subvertere & enervare nituntur, quarumque aliquæ licet quibusdam mutatis terminis sentire videntur perverfas opiniones & doctrinam indoctam damnatæ memoriæ Marfilii de Padua & Joannis de Guandavo (Janduno) quorum uterque per felicis recordationis Joannem Papam XXII. Prædecessorem nostrum reprobatus extitit, & damnatus in Regno Angliæ nempe gloriosa potentia & copia facultatum, sed gloriosiore pietate fidei rutilante, sacre pagine claritate consueto viros producere, Divinarum scripturarum recta scientia illustratos, morum gravitate maturos, devotione conspicuos, & Catholicæ fidei defensores, dogmatizare & publice prædicare, seu potius de virulento Claustris seu peccatore evomere non veretur, nonnullos Christi fideles earum resperione commaculans & à fidei præfata recta semita in præcipitium perditionis abducens. Quare cum tam letisferam pestem, cui, si ejus non obsteretur principis, & ipsa radicibus evellatur, serò posset medicina parari, cum per contagionem plurimos infecisset nolimus prout nec velle debemus sub conniventia pertransire. Universitati vestræ per Apostolica scripta in virtute sanctæ obedientiæ, & sub pœna privationis omnium gratiarum, indulgentiarum & Privilegiorum vobis ac studio vestro à dicta sede concessorum distictè præcipiendo mandamus, quatenus conclusiones & propositiones in bonis operibus & fide male sentientes, licet eas proponentes sub quadam verborum sive terminorum curiosa implicatione nitantur defendere, de cætero non permittatis afferi vel proponi, dictumque auctoritate nostra capiatis seu capi faciatis, & ipsum venerabilibus fratribus nostris Archiepiscopo Cantuariensi & Episcopo Londoniensi, aut eorum alteri sub fida custodia transmittatis. Contradictores quoque de dicto studio vestro jurisdictioni subiectos, si qui forsitan, quod Deus avertat, essent ejusmodi erroribus maculati, si in illis pertinaciter persistere, ad similem captionem & missionem aliasque prout ad vos spectat, firmiter & sollicitè procedatis, perinde vestram suppleturi diligentiam, hætenus in præmissis remissam, nostram quæ & dictæ sedis præter Divinæ retributionis premium & meritum, gratiam & benevolentiam adepturi.

Datum Romæ apud Sanctam Mariam majorem 11. Calendas Junii Pontificatus nostri Anno 7.

ANNO
1378.URBANUS SEXTUS.
PONTIFEX CCIV.

ANNO DOMINI MCCCCLXXXVIII.

Urbanus Neapolitanus, prius Bartholomæus Prignano dictus, anno 1378 Pontifex fuit renunciatus. Ab acerrimo Schismate inter hunc Urbanum & Clementem VII. antea Cardinalem Genevensi nuncupatum tunc temporis agitata Ecclesia Romana. Carolum Hungariæ Regem in Reginam Neapolis movet. Obiit anno 1389. (*Magni Bullarii Romani Tom. I. hujus Edit. Luxemb. 1527. fol. 270. App.*)

URBANO VI. Pontifice electo, acerrimum schisma Ecclesiam dilaceravit, quippe Cardinalis Genevensis ab altera ex partibus Anti-Papa electus sub nomine Clementis VII. inter alia Bullas sequentem, quam damus, edidit celebrem admodum quamobrem ne series Pontificum confunderetur, Vulgatique Bullarii idem esset ordo, hæud incongruum censetur inter alias, easque Urbani, Bullas inserere, & sub nomine Clementis, ut relata est à Dacherio, Leibnizio &c. eam referri.

Litteræ Bullatæ, quibus CLEMENS Papa VII. Regnum Adriæ instituit, comprehendens partem terrarum Ecclesiæ Romanæ in Italia, ac Ludovico Duci Andegavensi tribuit 15. Kal. Maji 1382.

Bullam hanc quam ex Leibniziana collectione diplomatica desumpsimus, Dacherius etiam in suo spicilegio refert, sed qui eam signat anno 1379. quam Leibnizius diversimode signet scilicet anno 1382.

CLEMENS EPISCOPUS,

Servus Servorum Dei, carissimo in Christo filio nostro Ludovico Regi Adriæ, Duci Andegavensi & Turonensi, ac carissimi in Christo filii nostri Caroli Regis Francorum illustris germano, salutem & Apostolicam benedictionem.

Constituti in suprema militantis Ecclesiæ statione ab eo, per quem Reges regnant, & Principes imperant, & qui solus habet super universam creaturam plenitudinem potestatis, necesse habemus, interdum de Regnis & terris ipsis & specialiter, quæ Romanæ Ecclesiæ juris & proprietatis existunt cum fratribus nostris ad pacem & justitiam populorum perpetua stabilitate disponere, terras ipsas dignitate decorare Regia, & in earum solis ad regimen gentium subjectarum quos dignos credimus sublimare, ut evullis spinosis vepribus plantas inferamus proficuas fructus uberes suo tempore in domo Domini allaturas instructi cœlestis Regis exemplo, qui terrenis Regibus potestatem tribuit, ut assumpto officio dominandi in æquitate judicent populos, & dirigant in terris sibi subditis gentium nationes,